

NOTE XIX.

NOVUM GENUS GYMNETINORUM

DESCRIPSIT

J. R. H. NEERVOORT van de POLL.

Guatemala, v. d. Poll.
(nom. geograph.).

Clypeus apicem versus subangustatus, apice distincte emarginatus, marginibus elevatis, in medio callo longitudinali, antice attenuato.

Thorax in medio fortiter lobatus (lobus angustus, apice rotundato), anterius angustatus, lateribus rotundatis, angulis posticis late rotundatis.

Scutellum fere lobo postico thoracis obtectum, valde elongatum, acutissimum.

Elytra thorace latiora, apicem versus subangustata, apice rotundato, angulo suturali obtuso.

Pygidium transversum, semicirculare.

Mesosterni processus angustus, productus, acuminatus, apice nonnihil reclinatus.

Pedes validi, nigro-ciliati; tibiae anticae fortius bidentatae, intermediae posticaeque distincte unidentatae; tarsi antici intermediique tibiis aequales, postici breviores.

Corpus supra planiusculum, obscurum, maculis crustae flavae ornatum; subtus glabrum, nitidum.

Spec. typ. *Allorrhina Hueti* Chevr. (Ann. Soc. Ent. Belg. XIV. p. 6; tab. I, fig. 1). — Guatemala.

(Typus in museo nostro).